

四庫全書

子部

欽定四庫全書

子部
普濟方卷四十三

詳校官太醫院恩授_臣袁天錫

編修_臣倉聖脈覆勘

總校官原任中允_臣王燕緒

校對官中書_臣徐步雲

謄錄監生_臣陳國遴

欽定四庫全書

普濟方卷四十三

明 周王朱橚 撰

三焦腑門

總論

夫三焦有名無形主持諸氣以象三才之用故呼吸升降水穀往來皆待此以通達是以上焦在心下主內而不出中焦在胃脘主腐熟水穀下焦在臍下主分別清濁出而不內統而論之三者之用又本於中焦中焦者

胃脘也天五之冲氣陰陽清濁自此而分十二經絡所
自始或不得其平則有寒熱偏勝虛實不同榮衛滯澁
清濁不分而生諸病矣故曰氣會三焦手少陽脉通於
膻中膻中臣使之官為氣之海審此則知中焦者為冲
和之本 古人謂左腎為腎臟其膀胱右腎為命門
其腑三焦三焦者有脂膜如手大正與膀胱相對有二
白脉自中出夾脊而上貫於腦所以經云丈夫藏精女
子繫胞以理推之三焦當如上說有形可見為是扁鵲

乃云三焦有位無形其意以為上中二焦如漚如露下焦如瀆不可遍見故曰有位無形而王叔和輩失其旨意遽云無狀空有名俾後輩承繆不已具名以失實矣脫果其無形尚何以藏精繫胞為哉其所謂三焦者何也上焦在膻中內應心中焦在中脘內應脾下焦在臍下即腎間動氣分布人身有上中下之異方湛寂慾想不興則精散在三焦榮華百脉及其想念一起慾火熾然翕撮三焦精氣流溢並命門輸瀉而去故號此腑為

三焦耳 夫三焦者一名三關也上焦名三管反射中焦名霍亂下焦名走哺合而為一有名無形主五臟六腑往還神道周身貫體可聞不可見和利精氣決通水道息氣脾胃之間不可不知也凡上焦三管反射者通三焦名中清之腑也別號玉海水道出入膀胱合者雖合而不通上中下三焦同號為孤之腑也而榮出中焦衛出上焦榮者是絡脈之氣道上焦如霧霧者霏霏起上也起於胃上管並因以上貫及布胞中走腋循足太陰之分而

行還注手陽明上至舌下注足陽明常以榮衛俱行於陽二十五度行陰亦二十五度為一周日夜五十周身周而復始大會於手太陰手少陽也主心肺之病內而不出人有熱則飲食下胃其氣為蒸汗則出或出於面或出於背或出於身手背不循衛氣之道而出蓋外傷於風內開腠理毛蒸易泄衛氣其病則肘攣痛食先吐而後下氣不續肺膈間不得從其道名曰泄氣走之故不循其道此氣慄悍滑疾乍開出故厭悶所以飲食先

吐而後下也寒則精神不守泄下便利語聲不出若實則上絕於心若虛則飲氣於肺也 中焦如漚

漚聚也言在胃

漚如起於胃中管在上焦之下此以受氣變其糟粕使化

為精微上注於肺脉乃化而為血奉以生身莫貴於此故獨得行於經隧名曰榮氣主足陽明則號曰豐隆在外踝上去踝八寸別走太陽絡諸經之肺上下絡太倉主熟五穀不吐不下實則熱熱則閉塞不通上下隔絕虛則生寒寒則洞泄便利霍亂主脾胃之病夫血與氣

異形而同類衛是精氣榮是神氣故血與氣異形而同

類焉奪血無汗

此是神氣

越胃血

此是精氣

故人有一死而無再

生也由精神之氣隔絕也若虛則補於胃實則泄於脾

調其中和其原萬不遺一也

下焦如瀆

瀆者如溝水絕淺也

起

胃下管別迴腸注於膀胱而滲入焉故水穀常並居於

胃中成糟粕而俱下於大腸主足陽明灌生津液合膀胱

主出不主入別於清濁主肝腎之病也若實則大小

便不通利氣逆不續吐嘔不禁故曰走哺若虛則大小

便不止津液氣絕人飲酒亦入胃穀未熟而小便獨先下者何也蓋酒者熟穀之液也其氣悍以滑故後穀入而先穀出也所以熱則瀉於肝寒則補於腎 三焦病者腹脹氣滿小腹尤堅不得小便窘急瀉則為水留則為脹候在足太陽之外大絡在太陽少陽之間亦見於脉取委陽小腹病腫痛不得小便邪在三焦約取太陽大絡視其結脉與厥陰小絡結而血者三焦也脹氣滿在皮膚殼然而不堅仁存方論云嘗觀周子太極圖曰

無極而太極至哉斯言也天地混沌此無極也天地既判陰陽始分此太極也太極動靜而生陰陽有天地有夫婦有男女矣人身亦與天地同人之生是受氣於無動靜往來然後為有父母交合之始陽精陰血未至之時此無極也陰陽交媾陽施陰受此太極也自此真精之氣至所謂天一生水水腎也則綴而為根元漸次生長則成為二二生三三生萬物五臟百骸皆由此而成也至於三焦一經叔和云命門配越人以手心主配于

載之賢哲固不敢以孰是孰非議之也手心上為十二經之一而命門於十二經無所與焉且手心主厥陰之經屬心胞而絡三焦手少陽三焦經則屬三焦而絡心胞表裏互相屬絡而三焦經則未嘗絡命門如此則越人為是手心主其經則厥陰起於胸中屬心胞下膈絡三焦然後循脇腋而上肘至臂自小指次指出其端少陽三焦之經起於小指次指中耳前過額主人穴名夾頰至銳目眥而出其端此二經絡之始終也三十一難

曰上焦在心下下膈在胃上口主內而不出其位在膻
中玉堂下一寸六分直兩乳間陷者是中焦在胃中脘
不上不下主腐熟水穀其治在臍傍下焦在臍下當膀胱
上口主分別清濁出而不內以傳導也其治在臍下
二寸故名曰三焦素問六節臟象論亦曰膻胃大腸小
腸膀胱三焦者倉廩之本營之居也能化糟粕轉而不
出者也五臟別論亦曰膻胃大腸膀胱三焦此五者天
氣之所生也其氣象天故瀉而不藏此受五臟濁氣名

曰傳化之腑由是論之聖人且以三焦為有形以至陳
無擇作三因方且曰三焦有脂膜如掌大正與膀胱相
對有二白脉自中出夾脊而上貫於腦及觀漁隱叢話
後集引龍川畧志曰有徐通者在齊時大饑群盜相鬪
割肉而食其中有一人皮肉盡而骨脉全通以學醫故
往觀其五臟見右腎下有脂膜如手大正與膀胱相對
有二白脉自其中出夾脊而上貫於腦意無擇蓋本於
此前所謂十二經脉互相屬絡一臟則曰屬臟而絡臟

一腑則曰屬腑而絡腑不然則手厥陰經何以曰偏屬
心胞而絡三焦手少陽三焦經何以曰屬三焦而絡心
胞惟有形而可以屬之絡之無形安可以屬之絡之十
二經者既有始起之所又有出其端之所謂之無形亦
難矣若以三焦列為倉廩之腑言之則又難於執着所
以梁丘子注黃庭經尚且曰三焦自古無的說三焦自
叔和謂無狀空有名之後後世紛紛議論不一而三因
方及徐遁之說則在臟腑之外別是一物而不與臟腑

相聯屬且與經中所謂內而不出出而不內之說異以至於周賢天權注難經曰三焦有名而形隱焉前賢天曰二經為虛臟虛腑諸如此說教人則念越人豈妄稱內而不出出而不內之論以垂後世耶為其有物可以容內出入而後為之經指或者難曰如子之言則二十五難曰心主與三焦為表裏俱有名而無形謂何愚曰彼子之言固如此而周氏所註曰膻中為三焦之所會原氣以藏於其下胃氣營周於其中聯續貫通為水穀

之道路氣之所終始所謂無形於義未安所以脩之曰
具有名而形隱亦斯意也但尚欠發明耳王因閱蔡西
山脉其間有論三焦一篇後引禮運記曰上焦若竅中
焦若編下焦若瀆然究不曾指何為竅何為瀆愚得竅
編瀆三字入後三復細思似有可推詳者且上焦若竅
竅者竅漏之義可以通達之物即是胃之管也所以經
曰上焦在胃之上口主內而不出此豈非胃之管乎中
焦者若編編者編絡之義如有物編包之象此乃胃之

外有脂如網包羅在胃之上以其能磨化飲食叔和脉
訣曰膏凝散半斤者此是也是脾之大絡故經曰主腐
熟水穀是也下焦若瀆者溝瀆之義可以決瀆可以傳
導乃是小腸之下曰閘門泌別水穀自此而分別清濁
之所故經曰在膀胱上口主泄而不藏又曰主出而不
內又曰下焦為傳化之腑此豈非出而不內傳導之腑
乎又曰三焦者水穀之道路氣之所終始也蓋水穀之
所入者自上而中自中而下至於糟粕轉輸傳導而下

一無底滯如此尤可表其為形名矣愚謂形者非謂臟腑外別生一物不過指其所而為形耳愚今發明內而不出出而不內之奧旨表而出之於千百年之後又如手心主經謂之心胞絡且人之心為君主之官不受邪氣凌犯其所以致病者心胞絡也故曰真心不受邪者此也愚未免臆度一說曰心胞絡亦必有所指今觀猪獸之心上有黃脂膜包在其上似脂非脂似肉外別有細筋膜如絲與心肺相連者此則心胞絡也猪獸之內

景大際亦與人同觀其心形亦可見矣

三焦熱用藥大例

上焦

清神丸

方見積熱門

連翹防風湯

一名連翹散方見嬰孩門

一切痘疹瘡類

龍腦飲子

方見積熱門

犀角地黄湯

方見肝臟門

涼膈散

方見積熱門

中焦

小承氣湯

方見傷寒門

調胃承氣湯

見傷寒門

洗心散

方見嬰孩積熱類

四順清涼飲

見積熱門

桃仁承氣湯

見傷寒門

下焦

五苓散

方見傷寒中暑類

大承氣湯

方見傷寒門

立効散

見淋秘門血淋類

八正散

淋門

石葦散

淋秘類

四物湯

方見婦人門

抵當湯

方見傷寒門

氣分熱

柴胡飲子

方見傷寒過經不解類

白虎湯

方見傷寒門

血分類

清涼飲子

方見嬰孩諸熱類

桃仁承氣湯

見傷寒門

通治大熱

三黃丸

見本門

黃連解毒丸

方見熱病門嘔逆類

三焦寒用藥大例

上焦

桂附丸

見脾胃門

鐵刷湯

見心痛門

胡椒理中湯

見本門
虛寒類

中焦

二氣湯

方見四季
補益門

附子理中丸

方見痼
冷門

大建中湯

熱病
門

下焦

還少丹

見四季
補益門

八味丸

見腎
臟門

天真丹

見腎
虛類

氣分寒

枝桂加附子湯

傷寒門

桂枝加芍藥人參新加

湯

傷寒門

血分寒

已戟丸

見諸虛門

神珠丹

見腎臟門
腎虛類

通治大寒

大已寒丸

方見瀉利門

四逆湯

方見傷寒門

右此內有寒熱之大略也若外有寒熱者當求別法

三焦實熱論

上焦在心下其氣起於胃上口并咽貫膈有熱則舌乾
燥口氣面赤胃膈痞滿之病生焉中焦者在胃中脘不
上下主腐熟水穀其氣和平能傳糟粕蒸津液便積
為上注於肺通行榮衛仲景曰熱在中焦則為堅故其
氣實則閉塞不通上下隔絕熱則身重目黃脾瘴之證
生焉下焦者在臍下當膀胱上口主分別清濁出而不
內以傳導也又下焦如瀆司決壅也泄其氣實而有熱
則津液內燥道不利由是有氣逆便難胃脹噦嘔之證

潤焦湯

出三因方

治三焦實熱目銳眦急痛腰脇熱脊背

連臆中煩悶飲食未定頭面汗出關格不通不吐不

下或氣逆不續走哺不禁或泄瀉溺澀遺瀝

地骨皮

半夏

湯洗七次

柴胡

去土苗

澤瀉

各五兩

茯苓

麥門冬

去心

甘草

炙

人參

各一兩

右剉散每服四錢水二盞薑五片竹茹如指大煎七

分去滓空心服

犀角丸

治三焦邪氣一切風氣又治風盛痰實頭目

昏重肢體拘急腸胃燥大小便難

犀角

黃連

一兩

人參

黑牽牛

各二兩

大黃

八兩

右為末蜜丸如梧桐子大每服十五丸臨卧溫水送下虛實加減用

三黃丸

出衛生寶鑑

治夫婦三焦積熱攻衝眼目赤頭項

瘡痛口舌生瘡中焦有熱心膈煩燥不美飲食下焦

有熱小便赤澀大便結五臟俱熱即生疳癰瘡瘻及

治五般痔疾糞門熱痛或鮮血

方見腎臟門骨蒸類

勝冰丹

出和劑方

治三焦壅盛上衝頭目赤熱疼痛口舌

生瘡咽喉不利嚙物有碍神思昏悶並皆治之

白藥子

一兩半

山豆根

紅內消

黃藥子

甘草

炙黃連

各三兩

麝香

另研龍腦

另研各二分

右為末用建盞盛於飯上蒸候冷入腦麝令勻煉蜜

丸如雞頭米大每服一丸含化及用津吐於指甲上

磨少許點赤眼立効

三黃湯

出直指方

治積熱蘊隆三焦皆熱大小便閉

黃連

去鬚

黃芩

大黃

濕紙包煨
等分

右剉細每服三錢薑三片慢略煎食後服

清氣散

調榮衛順三焦治風壅消痰涎退煩熱

前胡

柴胡

川芎

枳殼

白朮

青皮

羌

活

獨活

甘草

茯苓

人參

等分

右為末每服二錢水一盞荆芥一穗煎七分食後服

牛黃散

出濟生
援萃

治上熱臟腑秘結

大黃

一兩

白牽牛

頭末
五錢

右為細末有厥冷用酒下三錢無厥冷而手足煩者
蜜湯下

大三黃丸

出危氏方

治上焦壅熱咽喉腫閉心絡煩燥小

便赤澀口舌生瘡目赤睛疼燥渴心煩齒痛

大黃 黃連 山豆根

黃芩

各四錢

滑石

二錢

黃藥

四錢 硼砂 三錢 腦子

麝香

甘草

各一分

百草霜

四錢

右為末新汲井花水丸如小指大每服一九噙化旋

旋嚥下

治上焦虛熱口乾頭頂煩熱

出聖惠方

龍膽

三分去蘆頭

茅根

一兩半

麥門冬

去心

元參

梔子仁

木通

赤芍藥

各一兩

右為散每服四錢水一中盞煎至五分去滓入生地黃汁生藕汁各合半和勻服之

治上焦虛熱咽乾口苦不欲飲食

出聖惠方

赤茯苓

麥門冬

去心

甘草

炙各一兩

生地黄

二兩

右四味搗三味為散入地黃合搗曝乾擣細羅為散

不拘時以溫水調下一盞日三服

菊花散

出聖惠方

治上焦壅滯頭面風熱

甘菊花

半兩

人參

半兩

赤茯苓

半兩

麥門冬

去心

犀角

半兩

甘

草

炙半兩

防風

半兩

羌活

半兩

地骨皮

半兩

羚羊角

半兩

蔓荊

子

半兩

川升麻

半兩

右為散每服四錢以水一中盞入生薑半分煎六分

去滓不計時服

澤瀉湯

出千金方

治上焦實熱飲食下胃其氣未定汗出

面背身中皆熱名曰痛氣此方通脉瀉熱

澤瀉

二兩

地骨皮

五兩

甘草

炙一兩

半夏

二兩洗

石膏

八兩碎

柴胡

三兩

甘草

三兩

茯苓

三兩

竹葉

五合

人參

二兩

桂心

一兩

蓴

心

一升

右剉水一斗煮取三升分三服忌海藻菘菜羊肉飴

醋生葱等物

大棗湯

出聖惠方

療上焦熱牽肘攣心痛喘欬短氣多涕

唾潤肺安心

大棗

三十枚
去核

杏仁

三兩去皮
尖雙仁者

人參

三兩

紫苑

二兩

姜蕤

三麥門冬

三兩
去心

百部

三兩一方
作木通

通草

三兩

石膏

八兩

五

味子

二兩

麻黃

三兩
去節

羊腎

三枚切
碎去膜

右以水一斗煮取三升五合去滓半夏三合生薑汁

三合淡竹瀝三合更上火煎取三升分三服一方無

人參

麝干散

出聖
惠方

治上焦虛熱膈上有痰氣壅似噎

麝干

一兩

前胡

半兩

赤茯苓

半兩

桔梗

半兩

款冬花

半兩

人參

半半夏

半兩湯洗七遍

黃芩

甘草

炙

元參

麥門冬

去心

各半

兩

右為散每服四錢以水一中盞入生薑半分煎五分去滓每於食後溫服

天門冬丸

治上焦熱結口燥咽乾臟腑秘滯面赤心

煩

天門冬

去心二兩

枸杞子

甘菊花

防風

黃芩

赤芍藥

各一兩

生乾地黄

焙二兩

右為末煉蜜和丸如雞子大每服一九以水一盞煎七分和滓食後臨卧溫服

烏犀散

出聖惠方

治上焦虛熱睡卧多驚往往心中不欲

見人

烏犀角屑

三分

龍齒

一兩

川升麻

一兩

茯神

一兩

麥門冬

一兩半
去心

元參

一兩

甜竹根

切二合

赤芍藥

生乾地黄

一兩半
馬牙硝

一兩半

右為散每服四錢水一盞薑半分煎至五分去滓不

拘時溫服

麥門冬湯

出千金方

治上焦熱結腹痛不欲飲食食則先

吐後利肋脇攣疼或食入胃未定汗出身背熱名曰

偏氣

麥門冬

去心

白朮

三兩半

赤茯苓

萸心

焙乾

甘草

炙各一兩

陳橘皮

去白

人參

蘆根

切炒

姜蕤

各一兩半

陳粟米

炒半兩

右為散每服五錢匕水一盞半生薑一塊如棗大拍

碎竹茹如彈子大煎八分去滓溫服忌食海藻松菜

醋桃李雀肉等物一方無萸心又名麥門冬理中湯
前胡枳殼湯 治上焦熱頭痛昏眩胸膈煩悶涕唾稠
黏痰實惡心不欲飲食

前胡

去蘆

人參

赤茯苓

各一兩

枳殼

麩炒去穰

半夏

洗七次

桔梗

炒

甘草

炙

桑白皮

旋覆花

炒各半兩

麥門冬

去心

三分

右為散每服三錢七水一盞生薑二片煎六分食後
溫服

玉螺丸 治上焦熱結心氣懊懷振掉譫語

甘泉石

研五兩

丹砂

研三兩

鐵精

研

芒硝

研

黃環

各二兩

大黃

黃連

去鬚

丹參

地龍

炒各一兩

右搗羅五味為末與四味研者和勻煉蜜丸如菜豆
大每服十丸平旦時及初更後濃煎麥門冬湯下以
止為度

藍青丸 治中焦熱結水穀下痢

藍青汁

一升

黃連

去鬚二兩

黃蘗

去粗皮

白朮

炒

地榆

各三分

地骨皮

半兩

阿膠

炙一兩一分

烏梅

去核炒三分

右將後七味搗為末用藍青汁煎為膏如梧桐子大每服十丸至十五丸空心粥飲下日三服一方有地膚子無地骨皮七月七合如杏仁大服三丸日再服地骨皮湯 治中焦熱結唇焦面赤或時煩燥四肢拘攣解肌

地骨皮

人參

柴胡

去苗

梔子

去苗

生甘草

各一兩

右為散每服三錢水一盞入竹葉七片同煎六分食

後去滓溫服

苧根散 治中焦蓄積痺熱如飢

黃芩 白芍藥 地榆 甘草

各一兩

右為散每服三錢匕每早晚食前用溫酒調下稍增至三錢以止為度

冬陰散 治中焦熱結目瞼赤爛

藥葉 莎草根 丹砂 硝石 石決明

五兩

炒去毛

三兩

研

研

研

各二

石膏 白芍藥 夏枯草 黃連

兩

兩

三兩

去鬚各

一兩

各

各

各

各

右為散每服一錢匕早晚食前用沙糖水調下增至二錢匕知為度

枳殼散 治中焦壅閉關膈不通吐逆喘急

枳殼

三分

黃芩

前胡

半夏

各三分

赤茯苓

三分

木香

人參

檳榔

各三分

右為散每服五錢水一大盞薑半分煎至五分去滓不拘時溫服一方有川大黃

間茹湯

治中焦熱結唇口生瘡

蘭茹

三分甘草

炙一兩

硝石

研一兩

右為散每服一錢用溫酒調下於初更時及雞鳴後服增至二錢以止為度

五倍子散

治中焦結熱唇口生瘡

五倍子

羌活

去蘆

防風

去叉各等分

右搗羅為散每服一錢食後蜜湯調下

槐花散

治膈熱生涎嘔吐

槐花

炒黃黑色

白芩

去皮

白礬

熬汁

甘草

炙各等分

右搗研為散每服二錢匕白湯調下凡吐是膈熱熱即生涎并吐此藥能化胃膈熱特有殊効

龍膽丸 治解暴熱化痰涼膈清頭目

龍膽 白礬

燒汁各四兩

天南星 半夏

各二兩半水浸切作片用

水煮三五沸焙乾各稱二兩

右搗研為末麵糊為丸如梧桐子大每服三十丸臘茶清湯下食後臨卧服痰壅膈熱頭目昏重服愈嶺南瘴毒纔覺意思昏悶速服便解咽喉腫痛口舌生

瘡上壅熱涎諸證悉可服小兒尤良

香豉湯

治下焦熱結吐嘔不止心腹滿悶

豉

炒

生乾地黄

焙

白朮

各二兩

甘草

炙一兩

石膏

碎三兩

赤茯苓

去黑皮一兩半

右為散每服四錢水一盞半竹葉十片煎至一盞去

滓溫服日夜二服一方有葱白無白朮竹葉

治下焦壅熱氣逆不續嘔吐不禁名曰走哺

人參

二兩去蘆

梔子仁

二兩

麥門冬

二兩去心

石膏

陳橘皮

湯浸去白膜
焙各二兩

右為散每服四錢水一盞薑半分煎至六分去滓不
拘時溫服

柴胡通塞湯 治下焦熱大小便不通

柴胡 羚羊角 黃芩 橘皮 澤瀉 各一兩 香豉

升一 生地黃 升一 芒硝 二兩 梔子 四兩 石膏 六兩

右以水一斗將藥咬咀煮取三升去滓入芒硝分三
服一方無香豉

止嘔人參湯 治下焦熱氣逆嘔吐不禁名曰走哺

人參 梔子仁 姜蕤 黃芩 知母 赤

切焙各一兩

茯苓 白朮

橘皮

湯浸去白焙各一兩半

石膏

碎二兩

右為散每服三錢水一盞薑三片煎至七分去滓溫服日二夜一又一方有蘆根無生薑

茵陳蒿丸 治下焦受病大腸澼熱伏瘕深固

茵陳

五兩

藺茹

三兩

葳靈仙

去土

太一餘糧

煨

柴胡

去苗

各二兩

兩黃芩

蒲黃

赤茯苓

枳殼

去瓢麩炒各一兩

右為末煉蜜丸如梧桐子大每服二十九丸木香湯下以知為度

石長生丸

治下焦受熱大便難及多瘡瘍

石長生

五兩

升麻

三兩

水銀粉

二兩

硝石

另研

石

石膏

葛

根

大黃

射干

各一兩

右為末煉蜜和丸如菉豆大每服十九丸早晚食前煎溫米飲下漸加至二十九丸以知為度

酸漿水丸

治下焦腸胃伏熱婦人胎熱產難

酸漿實

五兩

萆薢

三兩

馬蘭子

炒

大鹽

另研

榆白皮

炒

各二兩

柴胡

去苗

黃芩

各

栝蒌根

各

藺茹

各一兩

右為末煉蜜和丸如梧桐子大不拘時木香湯吞下
二十丸至三十丸以知為度

升麻湯

治下焦蘊熱結成毒痢血如鵝鴨肝

升麻

紫草

黃芩

桔梗

炒各三兩

犀角

鎊

地榆

一兩

蓼荷根

芭蕉根

梔子仁

各一兩

右粗搗每服三錢水一盞半煎至一盞去滓溫服日

三夜一

五味子丸

治下焦熱結

五味子

五兩

天門冬

焙去心三兩

白芍藥

防風

車前

子

各二兩

檳榔

牽牛炒

大黃

剉炒

硝石

研各一兩

右為末煉蜜為丸如梧桐子大每服十五丸食後木香湯下增至二十九以知為度

香豉湯

治下焦熱結毒利魚腦雜痢赤血小腹痛不可忍欲利不出

香豉

薤白

各一升

黃連

黃蘗

白朮

茜根

各三

兩

梔子

黃芩

地榆

各四兩

右㕮咀以水九升煮取三升分三服

柴胡湯 治下焦熱結大小便不通

柴胡

去苗

黃芩

橘皮

湯浸去白焙

梔子仁

石膏

羚羊

羊角

鎔

生乾地黄

焙各一兩

芒硝

半兩

右為散每服三錢水一盞煎至七分去滓溫服日二

夜一

赤石脂湯

出千金方

治下焦蘊熱痢下膿血腹痛痞悶

赤石脂

烏梅炒各一兩

梔子仁三分

白朮一兩半

乾薑炮半

兩升麻

一兩廩米炒二兩

右為散每服三錢水一盞半煎至七分去滓溫服不

拘時

梔子人參散

出聖惠方

治下焦壅熱氣逆不續嘔吐不禁

名曰走哺

赤石脂

烏梅肉

梔子仁

人參

去蘆

川升麻

各一

兩甘草炙半兩

右為散每服五錢水一盞煎至五分去滓不拘時溫

服

香豉湯

治下焦蘊熱毒變赤血痢臍腹疼痛不可忍

豉

微炒二兩

梔子仁

黃蘗

地榆

白朮

茜根

各一兩

兩

右為散每服三錢水一盞煎至半盞去滓溫服日二

夜一

火府丹

出旅舍方

治上焦熱結心肺壅滯面赤心忡口乾

頭昏引化熱氣調順血脉

生乾地黄

焙四兩

黃芩

木通

各二兩

右為末煉蜜和丸如梧桐子大每服十五丸至二十丸食後溫米飲下大瘕熱燥新汲水下小兒化破服丸數臨時加減一方治心經蘊熱小便赤少五淋澀痛生地黃生用煎木通湯下有病渴日飲豉水不食者三月心中煩悶時已十月予謂必心經有伏熱與

此藥數服十五粒溫水下越二日不覺來謝云當日

二服渴止及次日三服飲食如故此本治淋用以治
渴信知用藥要在變通也

人參散

出聖
惠方

治下焦壅熱氣逆不續嘔吐不禁名曰

走哺宜服和氣止嘔

人參

去蘆 蘆根

梔子仁

陳橘皮

去白焙
湯浸

葳蕤

黃芩

知母

赤茯苓

麥門冬

去心 石膏

各二兩

右為散每服五錢水一盞煎至五分去滓不拘時溫

服一方有白朮無麥門冬

三焦散

王氏博濟方

治三焦不和榮衛不調肢體煩頭目

昏疼飲食無味多困少力寒熱痰壅頭旋

前胡

去苗

柴胡

去苗

桔梗

羌活

獨活

人參

枳

殼

去穰
麩炒

鱖魚甲

去裙襴
醋浸炙

旋覆花

一兩半

甘草

炙半兩

石膏

一分如頭
疼旋入

右為細末每服一錢半至二錢水一盞煎七分溫服
解傷寒發汗入麻黃一兩去節同杵為末如上焦多

壅熱入地骨皮一兩半

人參荊芥散

王氏博濟方

治上焦壅滯頭目昏眩涕唾稠

粘心飽煩滿

人參 柴胡 羌活 荊芥 旋覆花 甘菊

桑白皮

各等分

右七味為末每服二錢水一盞煎至七分食後臨卧服

利膈散

王氏博濟方

治上焦風壅多患咽喉胞膈不利

荊芥穗

四兩青乾好者

鼠黏子

四兩

白牽牛

二兩炒令香熟為度

甘草

分三

分

右為末每服一錢入鹽點煎治風牙疼以三錢末入川椒一百粒鹽二錢煎熱含冷吐出

白蒺藜散

王氏博濟方

治上焦虛熱頭目昏疼或眼赤腫

心胞煩悶

地骨皮

半兩去土

白蒺藜

去皮

旋覆花

山茵陳

白菊

花

各半兩

鼠黏子

石膏

各二兩

右七味為末每服一錢食後清茶調下日可三服

麥門冬飲

王氏博濟方

治三焦不利心肺多壅痰涎併積

口舌乾燥咽嗌腫痛肌體黃瘁氣血不調

麥門冬

去心半兩

桔梗

半夏

各一分

赤芍藥

半兩

菊花

一分

甘草

半兩

蔓荊子

一分

前胡

半兩

防風

桑皮

款冬花

各半兩

杏仁

一分

五味子

一分

白朮

一分

貝母

半兩

升麻

半兩

右十六味各洗擇令淨焙乾杵羅末食後夜卧各進一服每服二錢水七分薑一片煎至三分去滓溫服

大益心肺

犀角菖蒲丸

出家藏
經驗方

治上焦熱壅口舌生瘡聲啞眼

濕祛風辟毒老幼皆可服冬間常宜服之

木通

八錢

川芎

三錢半

白朮

一兩七錢

杏仁

二兩半

桔梗

二錢

薄荷葉

十二兩

官桂

四錢

縮砂

四錢

附子

七錢生

去皮臍

右九味為細末煉蜜為丸如彈子大每服半丸細嚼

溫熱水送下食後臨卧服都下潘防禦家貨此藥先

公晚年常服有效

桔梗湯

出衛生
家寶方

治中上焦不和氣道隘閉水飲不利

楊吉老傳

前胡

去蘆

赤茯苓

人參

去蘆

枳殼

炒

甘草

炙各一兩

半夏

桔梗

陳皮

各半兩

右為粗末每服二錢水一盞薑五片煎六分去滓熱服日二三服不拘時候

加味神功丸

治三焦氣壅心腹痞悶六腑風熱大便秘

不通腰腿疼痛肩背重悶頭昏面熱口苦咽乾心胞

煩燥睡卧不安及治脚氣并素有風人大便秘燥

木香

一人參

二升麻

二枳實

桃仁

各二兩

訶梨勒

皮

四兩

大黃

四兩

右為細末入麻仁搗研令勻煉蜜丸如梧桐子大每服二十丸溫水下或溫米飲下食後臨卧服如大便不通可加丸數以利為度

神功丸

治三焦熱壅心腹痞悶六腑風熱大便秘不通

津液內枯大腸乾澀裏急後重或下鮮血痰唾稠黏

風氣下流腰疼脚重臍下脹痛溺赤如金

大黃

三兩 人參

半兩

麻子仁

五兩 另研

訶子皮

炮二兩

右為細末煉蜜丸如梧子大每服二十丸溫水下日

三服以通為度婦人產後大便秘米飲下十丸

大三腕散

出活人書

治三焦氣膈虛痞兩脇氣痛面手浮

腫大便秘澀兼治脚氣

獨活

一兩

白朮

三兩

乾木瓜

一兩

沉香

一兩

木香

三兩

橘皮

三兩

川芎

三兩

檳榔

三兩

甘草

三兩

紫蘇

一兩

大腹皮

一兩

右十一味為散每服一錢水二盞煎至一盞去滓分
二服溫服取利為度如能臨晚常進半劑依法煎服
即臟腑調和風氣人多秘滯宜服之不利再服此藥
極不虛人氣經驗多矣脚氣心腹氣悶大便秘澀者
最良

利膈丸

出本草

治三焦氣不順胞膈壅塞頭昏目眩涕唾痰涎精
神不爽用牽牛子四兩半半生半熟不蛀皂莢塗

酥炙二兩為末生薑自然汁煮糊丸如梧子大每服十九丸荊芥湯送下

三焦虛寒論

夫上焦虛則引氣於肺中焦虛則生寒腹痛洞泄便利霍亂下焦虛則大小便不止津液氣絕塞則補於腎然三焦者水穀之道路氣之所終始也然其虛雖異原則一故有俱虛之病上焦如霧其氣起於胃上口並咽已上貫膈其氣虛寒則令人精神不守引氣於肺咳嗽語

聲不出膈塞之病生焉中焦如漚者以其在胃中脘不上不下主腐熟水穀本胃脘之中陽氣溫乃腐化水穀之精灌養周身若寒客中焦則胃中冷胃中冷則飲食不化腹痛飧泄霍亂吐利治法宜補溫之下焦則胃中和其氣起於胃下脘別回腸注於膀胱主出而不內以傳導也其氣虛寒則津液不固大小便利不止小腹痛不欲聞人語治宜溫之

方

薑朴湯

一名厚朴煎
出楊氏家藏

治三焦俱虛和脾胃進飲食強

中逐寒大去痰兼止吐瀉

厚朴

去粗皮一斤擘作十六片薑一斤槌碎
鍋內旋添湯煮薑味淡取出厚朴焙

乾薑

半
甘草

半
附子

炮製去皮
臍四兩

右為末熟棗肉為丸如梧桐子大每服二十九粒米飲

下食前服

穀神散

治三焦氣虛心胞痞悶兩脇脹滿不思飲食

四肢少力或多痰涎咽喉不利或上喘促頭目昏眩
心腹疼痛又治中滿下虛久服和補脾元調適寒溫

順四時之胃氣大能進飲食通流津液止煩渴安神

養氣

枇杷葉

淨刷去毛塗棗汁炙香熟一兩

丁香

半兩

薏苡仁

微炒一兩

藿香

葉沉香

三分三杜仲

去粗皮用薑汁與酒和合塗炙令香熟三分

隨風子

如無揀緊小訶梨勒亦得三分

大腹皮

微炒三分

木香

三分半夏

用湯洗七次生

薑一分切作片與半夏同搗爛作餅子炙黃一分

青橘皮

去白焙乾半兩

檳榔

細剉

半兩白朮

二兩桑白皮

微炒半兩

橘皮

浸去白半兩

人參

一兩

白芷

薤

去皮微炒一兩

五味子

半兩

陳麴

微炒三分

白茯苓

去黑皮一兩

穀

藥

微炒
兩半

甘草

炒黃
一兩

右為散每服三錢七水一盞棗三枚薑三片煎七分

不拘時去滓溫服

安中散

出三
因方

治三焦虛寒短氣不續腹不安食隨即

洞下小便赤濁精泄不禁脚脛酸疼小腹脹滿

熟地黄

巴戟天

去心龍骨

各三
兩半

遠志

去心
炒

茯苓

各三

兩

天雄

炮去
皮臍

五味子

山藥

各三
兩半

茯苓

酒續斷
浸

各四

兩蛇床子

炒兔絲子

酒浸各
四兩半

右為細末每服二錢七酒調下夫三焦屬精腑藏精以養身係累於心脾腎三經人多以醉飽心虛而合陰陽故此病作唯謹之為得

沉香湯 治三焦俱虛脾胃氣不和心腹疼痛不思飲食

沉香

一兩

厚朴

去粗皮薑汁炙一兩半

附子

炮製去皮臍半兩

桂

去粗皮一兩

兩益智

去皮炒一兩

青橘皮

一兩

乾薑

半兩

桔梗

炒一兩

白朮

麩炒一兩

五味子

三分

甘草

半兩

右判如豆大每服三錢匕水一盞薑半分煎七分食前去滓溫服

栢子仁丸

治三焦俱虛氣道澀滯散痞滿進飲食

栢子仁

另研

乾熟地黄

焙

肉苁蓉

酒浸三日切

牛膝

浸一日

補骨脂

炒熟

巴戟天

去心

懷香子

炒

木香

遠志

去心五味子

焙各一兩

右為末入栢子仁研勻酒煮麵糊丸如梧子大每服十五丸空心食前淡薑湯溫酒任下

薑棗丸 治三焦氣虛升降不勻水穀遲化

桂

去皮

附子

炮製去皮臍

人參

陳橘皮

湯浸去白焙

厚朴

去粗

皮薑

白茯苓

去黑皮各一兩

陳麴

炒黃二兩

汁炙

右為末薑汁煮棗肉丸如梧桐子大空心食前以酒

下二十丸加三十丸一方治中焦寒遲進飲食

補和丸 治三焦俱虛脾胃諸疾調氣進食

人參

黃耆

白朮

甘草

炙

乾薑

炮

白芷

寇

去皮

蒼朮

米泔浸一日微炒

陳橘皮

去白微炒各一兩

右為末每服三錢七薑三片水一盞煎七分去滓稍熱服

附子散 治三焦俱虛脾胃二臟冷氣滑泄不止飲食不進致肌體羸瘦行步少力

附子

四兩炮製去皮臍半兩

縮砂仁

炒一兩

懷香子

炒一分

肉苳

蔻

去殼炮半兩

蜀椒

去目及閉口者炒出汗半兩

右為散再入乳鉢內研令細用磁合內盛貯無令透氣每服三錢七用羚羊子肝去筋膜切作小片子入

藥末在內入葱白鹽醋少許拌和勻用竹杖子作串
子於猛火上炙令香熟乘熱吃用溫酒一盞半下如
不飲酒即以粟米飲下空心絕早晚食前如六十已
上乃久患者即藥至四錢七服至三日見効如無病
人服補益五臟和胃氣進飲食

人參散 治三焦俱虛上引肺氣補氣

人參

甘草

炙各二兩

前胡

去蘆

五味子

炒

桔梗

炒

木香

大腹皮

益智仁

去皮

白茯苓

去黑皮

烏藥

蓬莖

茂 沉香 薑黃 白朮 檀香 莎草根去毛

香葉 檳榔 白芷 各一兩 丁香皮 京三稜 各一兩半

丁香 陳橘皮 各三分 白芷去 青橘皮 各半兩

右以京三稜烏藥蓬莪茂白朮四味細剉別用陳麴末同四味藥令炒黃色去陳麴餘藥為散每服二錢水一盞薑半分煎七分不去滓食前溫服

乾薑丸 治上焦寒短氣語聲不出

乾薑炮 白朮 附子 炮製去皮 桂皮 五味 各三分 甘草

炙半兩

陳橘皮

湯浸去白

麻黃

去根節各一兩

右為末煉蜜丸如梧子大每服二十九至三十九溫

酒送下

半夏瀉心湯

治心實熱心下痞滿身重發熱吐嘔不

安腹中雷鳴唾洩不利水穀不消欲吐不吐煩悶喘

急並治之

半夏

五兩洗四次

黃連

一兩

黃芩

甘草

炙

人參

乾薑

桂心

各三兩

右以水九升煮取三升去滓分三服忌海藻菰菜餛
羊肉生葱猪肉冷水一方無桂心有大棗十二枚治
霍亂苦寒加附子一枚炮去皮臍若渴加栝蒌根嘔
加橘皮痛加當歸客熱以生薑代乾薑

枳殼湯 治上焦有寒胸膈滿悶背脊引疼心腹膨脹
胸脇刺痛飲食不下噎塞不通嘔吐痰涎口苦吞酸
羸瘦少力短氣煩悶常服順氣寬中消痞積聚散
驚憂恚氣

枳殼

去穢麤
炒一兩

京三稜

炮剉
一兩

甘草

炙

厚朴

去粗皮生
薑汁炙各

半兩

益智仁

陳橘皮

湯洗去白
焙各一兩

木香

半兩

肉苳蔻

半兩

蓬莪茂

檳榔

桂

去粗
皮

青橘皮

湯浸去白
焙各半兩

右為散每服三錢水一盞半薑三片棗二枚煎八分

去滓不拘時服

訶梨勒皮散

出聖
惠方

治上焦虛寒氣滯胸膈噎悶飲食

全少或時痰逆

訶梨勒皮

一兩

赤茯苓

三分

陳橘皮

湯浸去白
焙三分

枳實

半兩

麩炒

桂心

兩半

白朮

三分

乾薑

一分

甘草

一分

人參

三分

木通

兩半

厚朴

三分

半夏

一分

右為散每服三錢以水一中盞薑半分煎五分去滓

溫服

大腹皮散

出聖惠方

治上焦虛寒氣壅攻注頭痛胸膈不

和

大腹皮

二分

檳榔

三分

赤茯苓

一分

桂心

兩半

半夏

洗七次

半兩

青皮

三分

沉香

兩半

枳殼

三分

芎藭

兩半

前胡

一兩

白芷

去蘆

半
雨 人參 半雨
去蘆

右為散每服三錢水一盞薑半分煎五分去滓不拘

時溫服

厚朴湯

出干
金方

治上焦閉塞乾嘔不出吐涎沫吞酸

厚朴

炙二
雨

吳茱萸

炒

人參

去
蘆

白茯苓

去黑
皮

桔梗

炒

元參

各一
雨半

芎藭

白朮

各一
雨

附子

去
皮

陳皮

去白
焙
一雨半

右剉如麻豆大每服三錢薑一小塊擘破水一盞煎

七分去滓不拘時溫服

黃連湯

出千金方

治上焦有寒洞泄下利或因霍亂後瀉

利無度腹中虛痛一名黃連煎

黃連

去鬚四兩

黃蘗

去皮

厚朴

去粗皮

當歸

各三兩

酸石榴皮

地榆

阿膠

炙各四兩

右為散每服五錢水一盞半煎八分去滓溫服日三

一方有乾薑

化痰丸 治中焦有寒痰逆不思飲食

半夏

四兩湯洗七遍焙乾

礬石

燒灰研一兩

右為細末以生薑自然汁煮棗肉和丸如梧桐子大
每服十五丸不拘時薑湯送下

檳榔散

出聖惠方

治中焦虛寒氣滯不調

檳榔

赤芍藥

人參

去蘆

白朮

芎藭

桂心

陳皮

前胡

枳殼

麩炒

附子

去皮臍

大腹皮

各一兩

甘

草

半兩

右為散每服四錢水一盞薑半分煎至五分去滓不

拘時溫服

神麴丸 治中焦胃虛飲食遲化氣不升降嘔逆惡心

留飲寒痰癖結動氣脇下逆滿有時而痛按之有形
或按有聲膈腕虛痞食物多傷噫氣醋臭心腹常痛
霍亂嘔逆煩悶不安

神麴

炒黃

木香

厚朴

去麁皮生薑汁炙

甘草

檳榔

青

橘皮

去白

白朮

枳殼

炒

京三稜

各八兩

桂

乾薑

炮各

十二

兩

右為末水煮麴糊丸如梧桐子大每服五丸不拘時

溫米飲下

黃耆湯 治中焦虛冷目中急痛耳鳴脰寒

黃耆

一兩

防風

去

細辛

去苗

栝子仁

研

桂

去

陳橘皮

白人參

各半

甘草

炙一兩

吳茱萸

一錢

芎藭

半兩

右除研者外粗搗篩拌勻每服五錢生薑五片棗二

枚水盞半煎八分去滓食前溫服

木香散

出聖惠方

治中焦虛寒或時吐瀉腹痛

木香

草薢

去殼

桂心

附子

炮製去皮

訶梨勒皮

微炒

白朮

白芍

丁香

甘草

炙一分

右為散每服三錢水一盞入煨薑半分煎八分去滓

溫服

朴沉湯

治中焦有寒胃中逆冷泄利

厚朴

去麤皮生薑汁炙透五兩

沉香

三兩

丁香

附子

炮製去皮臍

高

良薑

各二兩

白朮

藿香葉

木香

甘草

炙一兩

右剉如麻豆大每服三錢水一盞煎六分去滓食前

溫服

通聖丸 治中焦虛寒瀉利不止臍腹疼痛

乾薑

炮

白礬

燒

硫黃

研各三錢

肉苁蓉

桂

去粗皮

附子

炮去皮臍

吳茱萸

湯浸焙炒

縮砂仁

訶梨勒皮

各一分

右為末同研令勻煮麵糊丸如梧桐子大每服十五

丸醋艾湯食前送下

厚朴散

出聖惠方

治中焦虛寒好吐白沫清涎吞酸

厚朴

二兩去粗皮塗生薑汁炙令香熟

吳茱萸

湯浸七遍微炒

白茯苓

一兩

炒

桔梗

一兩去蘆

芎藭

一兩

白朮

二兩

附子

一兩炮去皮臍

陳橘皮

湯浸

去白

右為散每服四錢水一盞生薑半分煎五分去滓溫

服

人參湯 治中焦虛寒洞泄

人參

當歸

甘草

黃芩

各二兩

赤茯苓

去黑皮乾

薑炮厚朴

去粗皮薑汁炙透

芍藥

各四兩

右麝搗篩每服五錢入粟米二錢水二盞煎至一盞

去滓溫服日三

紫蘇湯 治中焦有寒

紫蘇 藿香葉

赤茯苓

去黑皮

甘草

炙

人參

桔

梗炒葛根

各一兩

丁香

半兩

右搗篩每服三錢水一盞煎七分去滓溫服

溫白丸 治中焦虛寒痰積不散

丹砂

一兩研如粉一半入藥一半為衣

白礬

飛研

半夏

湯洗七遍去滑焙乾

生

薑

各三兩

白朮

二兩

丁香

半兩

右除丹砂一半為衣外搗研為細末薑汁煮糊丸如

梧桐子大丹砂為衣每服二十九食後臨卧生薑湯送下

消食丸 治中焦虛寒數年不能食

小麥蘖

麴

各一升

乾薑

炮

烏梅肉

各四兩

右為末煉蜜丸如梧桐子大每服十五丸不拘時薑湯下日再稍加至四十丸

藟醬湯 治中焦有寒陰凝胃口噦噫不止

藟醬

二兩

高良薑

三分

華澄茄

半兩

右搗篩每服三錢水一盞煎七分去滓入苦酒數點
滴熱呷以知為度

半夏丁香丸 治中焦寒痰

半夏

二兩

丁香

白礬

各半兩

右搗研為末薑汁煮糊丸如豆大每服五丸至七丸

鹽湯送下

萆撥丸 治下焦不足腎虛脾弱上膈煩熱下元虛冷

腹內雷鳴胸膈氣滯羸瘦無力

葶藶 胡桃仁 乾薑炮 人參 白茯苓 訶梨

勒

各一桂去粗皮
兩半一兩半

右為末煉蜜丸如梧子大每服二十九空心溫酒下
加至三十丸

茯苓丸

出千金方

治下焦虛寒損腹中瘀血令人喜忘不

欲聞人語胸中噎塞而短氣

茯苓 乾地黄 當歸各八分 甘草 乾薑 人參

各七分

黃耆

六分

芎藭

五分

桂心

四分

厚朴

三分

杏仁

五十枚

右為末蜜丸如梧子大每服二十丸加至三十丸為度日二清米飲下一方無乾地黃

訶梨勒丸 治下焦虛冷氣溫脾胃不思飲食

訶梨勒皮

華撥

桂

去皮

胡椒

附子

炮製去皮臍

沉

香木香

人參

草薺薹

檳榔

各一兩

右為末和搗二三百杵丸如梧子大每服二十丸食

前溫酒下

內固丸 治下焦虛寒脾腎不足腹脇疼痛

藁香子

二兩半

木香

一兩半

棟實

一兩半

乾薑

半兩

草薺

去皮

三分 吳茱萸

湯洗炒

葫蘆芭

炒

補骨脂

各一兩

甘草

炙一分

右搗細末煉蜜和丸如彈子大丹砂為衣每服一九嚼破以溫酒鹽湯下空心食前服

伏龍肝湯

出千金方

治下焦虛寒損或先見血後便轉此

為血痢不止

伏龍肝

五合

乾地黃

五兩

阿膠

牛膝

甘草

乾薑

乾薑

炮 黃芩

地榆

各三兩

髮灰

一兩

右㕮咀以水九升煮取三升去滓下膠候化下髮灰
為三服

防己湯 療下焦冷腫滿胸壅塞吐不下食兼去溫毒

防己 芍藥 各二兩 枳實 炒 獨活 防風 桂心 各三

兩 生薑 八分 葛根 三兩 半夏 一升 洗

右剉以水九升煮取三升分四服相去八九里久中
間少食粥一方無防己枳實加附子二兩炮餘依本
方忌羊肉鰯生葱

黃蘗止洩湯

出千金方

治下焦虛冷大小便洞泄不止

黃蘗

人參

地榆

阿膠

各三兩

黃連

五兩

茯苓

橘皮

各四兩

艾葉

一升

右㕮咀以水一斗煮取三升去滓下膠化分三服一

方有厚朴

續斷散

出千金方

治下焦虛寒損或先便轉後見血此為

遠血或利或不利因勞冷即發

續斷

當歸

桂心

蒲黃

阿膠

各一兩

甘草

二兩

乾薑

乾地黄

各四兩

右咬咀以水九升煮取三升半去滓下膠化下蒲黃

分三服

石鍾乳丸

治下焦虛冷臍腹疼痛手足厥逆脉氣沉

短

石鍾乳

陽起石

各一兩

附子

一兩半

桂

去粗皮

硫黃

各半

兩硝石

鹽精

各半兩

右為末用糯粥為丸如梧子大每服三十九空心食

前生薑鹽湯下

厚朴丸 治下焦虛冷便利頻羸瘦無力不思飲食

厚朴

去粗皮
劉五兩

附子

炮去
皮臍

蜀椒

去目及閉口者
取紅各二兩

右將水六升青鹽三兩生薑三兩同入銀鍋中煮令
水盡焙乾搗為末以水浸炊餅和丸如梧子大每日
空心酒下三十丸

燒厚茴香散

王氏博
濟方

治中焦虛冷臍腹撮疼心胸痞

脹和元氣進飲食

川附子

去皮臍

官桂

去皮

川椒

去目

舶上茴香

木香

胡椒

陳橘皮

去穢

巴戟天

去心

乾薑

炮半兩

京三稜

煨

兩

右十味杵為末每服用獐猪腎子一對切去筋膜切作薄片子以末三錢入葱絲少許鹽半錢濕紙包煨熟餌訖以酒或粥飯壓之須臾覺臍下暖甚妙

胡椒青鹽丸

出楊氏家藏方

治下焦虛弱脚膝無力多倦瘦

怯不美食

附子

兩枚重九錢炮
去皮臍切細

青鹽

二兩

厚朴

去皮

人參

去蘆

木香

白朮

沉香

丁香

茴香

破故紙

炒

川楝

子

去核
取肉

肉苁蓉

麋
煨香

黃耆

蜜炙

杜仲

去皮

胡椒

共十三
味各一

兩

右為細末却入青鹽酒煮麵糊丸如梧子大每服一

百丸空心鹽湯送下

治下焦虛冷小便數瘦怯無力

出本草

羊肺一具細切作羹飲食之煮粥亦得厚腸胃令

人能食下焦除惡氣

治下焦虛冷脚膝無力陽事不行補益

出本草

羊腎一箇熟煮和入半兩煉成乳粉空腹食之或用燕覆子即木通實也和藥食之更好

主補中焦諸不足氣脾胃卒患食後氣痛

本草

以山柰生搗汁服之

治下焦弱理胃氣令人能食

用蝟肉以五味淹炙食之良不可食骨令人縮

治下焦冷氣

用陳皮一斤去瓢搗末以蜜丸如梧子大每服三十丸食前溫酒下

三焦腹論

黃帝鍼經謂三焦病者腹脹氣滿不得小便窘急溢則為水留則為脹夫三焦者決瀆之官水道出焉上焦其治膻中膻中為氣海中焦主腐熟穀下焦當膀胱上口主分別清濁今三焦俱病故腹脹氣滿不得小便溢而

為水為脹也治宜升降氣道則腹滿自消水道自利矣三焦脹者經所謂氣滿於皮膚殼然而堅不痛是也蓋脹有痛否以別虛實若鼓脹之類內挾宿食按之堅痛是謂邪實今三焦皮膚殼殼然而堅不痛特以氣滿為虛脹而已

方

補氣丸 治三焦病久欲成水腹脹不消小水不利

海蛤

牽牛子

赤茯苓

去黑皮

防己

大戟

炒

防

風

去

木香

桑根白皮

陳橘皮

去白焙

訶梨勒

去核

苦葶藶 芎藭 木通 犀角 郁李仁 去皮各一兩

大黃

二兩半

乾生薑

地黃

焙一兩

右為末煉蜜丸如梧子大空心米飲下十九覺壅不
快加至十五丸覺通利即減三丸大小便不通服三
十九

木香枳殼散 治三焦病脹滿水道不利

木香 枳殼 白芷 蓬莪茂 白朮 甘草 炙

桂

去麋皮各二兩

益智子 炒

青橘皮

各三兩

陳麴

炒

京三棱

炮各

四兩

右為散每服二錢生薑鹽湯點服不拘時候

京三稜散 治三焦脹和養脾胃除積氣

京三稜

十兩

陳麴

微炒

大麥蘖

微炒

木香

肉苳蓉

去殼

白

檳榔

乾薑

炮

甘草

炙

厚朴

去粗皮

杏仁

去皮尖

雙仁者

麴炒

一兩

右為散拌勻每服二錢入鹽少許沸湯服不拘時候

小丁香丸 治三焦脹滿消化滯氣

丁香 沉香

剉各一分

乳香

研一錢半

茴香子

半兩

草撥

半兩

桂

半兩

檳榔

二枚

肉苳蔻

二枚去殼

巴豆

十五枚去皮心

阿魏

少許

右除研者外為末次入乳香巴豆阿魏令勻煮白米粥和丸如菴豆大每服五丸生薑湯下如胸膈氣不和及元臟冷氣上攻迷悶加至十丸溫酒下常服熱水亦得要微動以意加服之

白朮橘香湯

一名橘香散王氏博濟方

治三焦氣滿皮膚腎脹順

氣

白朮

四兩

陳橘皮

去白焙

赤茯苓

去黑皮

甘草

各二兩

附子

一兩 乾薑

炮半兩

右剉如麻豆大水一盞薑二片棗一枚同煎至七分
去滓溫服如覺減寒入荊芥煎丸稍覺三焦不和併
服即効

陳麴湯

治三焦滯氣

陳麴

炒黃

萊菔子

炒黃等分

右為散每服三錢水一盞煎三四沸去滓入麝香少

許再煎一沸溫服不拘時候

澤漆湯

治三焦不調上乘於肺時發喘欬身體浮腫

坐卧不安

澤漆

陳橘皮

去白

防己

甜葶藶

紙上炒

郁李仁

各半

兩百合

桑根白皮

木通

赤茯苓

各一兩

右搗篩每服三錢水一盞棗二枚擘破煎至七分去

滓不拘時溫服

茯苓飲

治三焦有水氣滿悶不能食消痰氣令能食

赤茯苓

去黑皮

人參

白朮

生薑

各三兩

枳實

二兩 陳

橘皮

一兩半

右剉如麻豆大每服五錢水一盞半煎至一盞不拘時去滓溫服

甘遂散 治三焦氣不通心腹脹滿喘促大小便不利

甘遂

半兩

牽牛子

半生炒

續隨子

去殼

大戟

各一兩

葶藶

一分

右為散每服半錢空心濃煎燈心湯下利下水為効未減更一服

甘遂散 治三焦水氣似鼓四肢虛腫甚者

甘遂

半兩

檳榔

木香

牽牛子

半生半炒

萊菔子

研各一兩

右為散每服半錢煎紫蘇木瓜湯調下空心服利下水為度更量人虛實加減

茯苓湯 治三焦有水氣胸脇肢滿目眩

赤茯苓

去黑皮四兩

桂

去麋皮

白朮

甘草

炙各三兩

右為散每服五錢水一盞半煎至一盞去滓不拘時

溫服

小半夏加茯苓湯 治三焦不順心下痞悶膈間水脹

眩悸動

半夏

洗五兩

生薑

半斤

赤茯苓

去黑皮三兩

右剉如麻豆大每服五錢水二盞煎至一盞去滓溫

服不拘時

牽牛子丸 治三焦病脹滿為水小便不利

牽牛子

二兩

烏指木根皮

五兩

木香

三兩

蜚蠊

大黃

剉炒

各二兩

防己

枳實

去穰麤炒

陳橘皮

去白皮

羌活

去蘆各一兩

右為末煉蜜丸如菉豆大日中及雞鳴後合用甘草湯下十九稍增至二十九以知為度

檳榔飲 治三焦榮衛不通氣滿水脹

檳榔

剉五枝

木香

一兩

生薑

切焙

芫荽

青橘皮

各半兩

前

胡

去蘆一分

丁香

山芋

各半兩

右為散每服三錢水一盞煎至七分空心溫服脚腫加牽牛子半兩面目浮腫加郁李仁半兩

人參香朮散

治陰陽不和三焦氣滯胸膈氣痞脇滿

脹小便不利飲食不消

人參

甘草

炙各半兩

木香

半兩

白朮

五兩

五味子

炒三兩

右為散每服二錢入薑鹽少許白湯點服不拘時候

木香丸

治三焦病腹脹氣滿小便不利

木香

兩

牽牛子

二十四兩炒

檳榔

補骨脂

炒香各四兩

兩

右搗四味為末又入牽牛子勻以清水和丸如菜豆大每服二十九茶清或熱水下食後服如酒食過傷

可服五七丸小兒一歲可服一九妊婦不可服

三焦欬論

內經云久欬不已則三焦受之三焦欬吐欬嗽腹滿不欲食飲此皆聚於胃關於肺使人多涕唾而面浮氣逆也蓋三焦之氣以胃氣為本水穀之道路氣之所終始也今欬而久者以寒氣蘊結關於播胃中腹滿不食逆氣上行涕唾多而面目浮腫也

藿香散 治久欬傳三焦腹滿不欲食

藿香葉

人參

赤茯苓

去黑皮

青橘皮

去穢焙

細辛

去苗葉

益智子

去皮炒

縮砂

陳橘皮

去白焙

甘草

炙各一兩

木香

白芷

炒各半兩

右為散每服三錢水一盞入生薑木瓜各三片煎至七分去滓稍熱不拘時服

半夏湯

治三焦欬腹滿不欲食

方見本門

方

紫蘇子湯

治三焦欬心胸不利不思飲食

蘇子

微炒

陳橘皮

湯洗去白焙各一兩

甘草

炙半兩

乾薑

炒

桔梗

炒杏仁

湯洗去皮尖雙仁炒各三分

右為散每服四錢水一盞半棗二枚擘破煎至七分

去滓溫服日三

五味子丸

治三焦欬腹滿不欲食順氣

五味子

炒覆盆子

去蒂

仙靈脾

各一兩

右為末煉蜜和丸如梧子大每服二十九生薑臘茶

下加至三十九空心食前服

玉液散 治久欬傳三焦腹滿不思飲食及胃虛有痰

半夏

湯洗去滑七
遍焙一兩

生薑

去皮切

陳粟米

揀淨各
二兩

右為散每服一錢水一盞煎至六分溫服

三焦約論

黃帝三部鍼灸經言小腹腫痛不得小便邪在三焦病
名曰三焦約內閉發不得大小便夫三焦者水穀之道
路氣之所終始也上焦如霧中焦如漚下焦如瀆三焦
乃流行之道榮衛致養則腐熟水穀分別清濁以時而

下無復滯留若榮衛不調風邪入客則決瀆之官約而
不通所以不得大小便也刺法取足少陰太陽之經

方

郁李仁丸 治三焦約小腹癰痛不得大小便

木香

二兩

青橘皮

去白焙一兩

人參

二兩

赤茯苓

去黑皮一兩

郁

李仁

半斤

大戟

河水煮去皮焙一兩

麻仁

半兩與大戟郁李仁同別搗細入藥內

甘遂

麤炒微烟生覆於土候令開出火毒一兩

訶梨勒

半兩

大黃

剉炒二兩

右為末別研三味外搗羅却入三味拌和再羅煉蜜

丸如豌豆大每服十九煎車前子湯下不拘時服

順氣丸 治三焦約通道導大小便

郁李仁

浸去皮研

大黃

剉炒各一兩

赤茯苓

去黑皮

澤瀉

剉

蘆

隔紙炒各二兩

大麻仁

一兩半研

檳榔

剉三兩

杏仁

去皮尖雙仁者麤炒

半兩研

右搗研了和拌勻再研極細煉蜜和丸如梧子大每服三十九空心用甘草湯下日三炒鹽酒下亦得

枳殼丸

出宣明論

調順三焦平勻氣脉消痰滯利胸膈祛

風利大小腸

枳殼

去穰
二兩

牽牛子

四兩一半
生一半熟

檳榔

半兩

陳橘皮

去白
焙一

兩木香

一分

右搗羅四味為末與牽牛粉拌勻再羅過煉蜜和丸
如梧子大每服一十五丸至二十丸食後生薑湯下
欲利加丸數

枳殼散 治三焦約大小便不通

枳殼

湯洗切作片
半焙乾五兩

厚朴

去麤皮塗生
薑汁炙二兩

滑石

細研
一兩

桂

二兩去

麋皮

右四味搗研拌和每一兩藥末入膩粉半錢和勻每服一錢用冷米飲調下空時服更量老少虛實加減

疎風散 治三焦氣約大小便不通

牽牛子

炒一兩

大黃

一兩

檳榔

半兩

陳橘皮

去白焙一兩

右為散每服二錢生薑蜜水調下食後良久服

皂莢散 治三焦約大小便不通

猪牙皂莢

酥炙去皮子

白茯苓

各等分

右為末如大腸不通用鹽茶湯調下一錢小便不通
用溫酒調下一錢

淮南五朮丸

出活人書

治三焦不調小便秘澀和榮衛臟

腑

大黃

炒一斤

前胡

去蘆二兩

赤茯苓

去黑皮

半夏

湯洗切焙

肉苁

蓉

酒浸去皺皮

葶藶

隔紙炒

當歸

切焙

芍藥

各一兩

右為末煉蜜和搜再搗千杵丸如桐子大每服五丸
食後溫水下日三稍增之

普濟方卷四十三